

Surat khabar: Utusan Borneo

Hari/Tarikh: 29/10/2016

Muka surat: 10

Tajuk : Pendiau jelu mayas deka diintu manah

## Pendiau pengidup jelu mayas deka diintu manah

**KUCHING:** Aum Gerempung Antarabangsa-Kongres ICCA Ke-55 2016 begulai enggau Universiti Malaysia Sarawak (UNIMAS) udah ngelanchar baju rasmi aum ti ngangkatka jelu mayas.

Pemutus nya seraris enggau pengerami renggat dunya ‘Minggu Sayangi Orang Utan’ ke deka diintu ba bulan November tu.

Baju ‘T’ nya asil gaga nembiak ari Fakulti Seni Kreatif dan Gunaan, UNIMAS, Alexson Nunong.

Nitihka penerang chairman begulai pengerami nya, Eric Van Piggelen, baju-T deka nyadi tanda kenang semua pengari ke datai ngulu aum.

“Kitai ke nyadi pengatur aum tu ukai semina beratka

kaul enggau raban orang ke ba industri dagang tang mega bela beratka semua komuniti di negeri tu baka sida Alexson.

“Asil kreativiti ba baju-T dikearap ulih nyadung pesan ngagai serata dunya sentang pengarai kitai bejalaika pengawa ngintu spesis ke majak kurang,” kui iya ke mega CEO Palan Aum Borneo Kuching

(BCCK).

Kelimpah ari nya ku iya, Roadshow-#RoadToSarawak deka diatur nyerumba aum lalu nyadika program tanggungpengawa rama (CSR) tengah Projek Orang Utan Borneo (BOP) ke alai bala pengari diberi peluang nyadi ‘penjaga’ ngagai orang utan ke dipilih di negeri tu.